

續修縣志序

古者天子有史列國亦各自有其史後世列國而郡縣之於是史專屬諸天府而省邑始有誌誌之義固亦列國史之餘也可弗重與縣邑之為誌微矣絳邑又縣之小者也絳既微且小誌不誌亦烏足輕重然衡以列國

有史之義昔杞文不足徵孔子惜之絳雖微且小猶是列國史之餘也又烏可弗重與顧史備善惡勸懲垂焉誌則錄美而不錄惡亦若有勸無懲者然其間忠孝廉節之大宏通博雅之選以至夫一善行之細一技藝之長皆得紀之令人有名不稱之

疾焉是亦懲之義寓於勸焉矣而況夫星野日月雨露之禎祥山川道里之夷險人民田賦租稅之經常其有關於國計民生者備載之又非但一邑之掌故而已誠亦重矣重則修而詳之葺而補之義不容緩矣縣志自乾隆乙酉續修後迄今垂百且

十有五年固其時也顧絳邑傍絳山而城高據而俯視其地貧瘠其民質樸地瘠則鳩工聚財之多窘民質則因陋就簡而亦安加以咸同中之流寇兩過境年來之旱荒人民流離死亡邑獻凋殘其存者類皆帶經而鋤幾為慮食之不給而欲於文獻

多故之餘採訪備詳足以補其
闕如蓋亦難矣然後知前之人
時而有待者固亦有說也雖然
絳在春秋晉時固一大都會也
其為地固不狹如今之縣境而
若士為之城聚狐氏之故里偃
之墓獻文靈三公之邱隴在境
焉凡詳諸今誌者皆可據迹而

三

稽再按縣境分原上原下與左
傳原田亦合卓溝則相傳即
卓子過昔曲沃武公既據全晉
害處

獻公繼之始作都邑內顧曲沃
而外馭新附之翼形勝疑莫出
於此則今之絳縣其為故絳近
似而遐想文公之霸業天下畏
服諸侯接踵稽顙屢世猶朝會
於此川原生色城邑用光乃若

恭世子之孝思狼曠之義勇說
禮樂敦詩書之彥肅而寬忠而
能力之賢名卿大夫繼起迭興
濟濟都邑所謂豪傑之士蓋指
不勝屈而何以今之人文竟遠
不及古所云也毋亦潛德之幽
光類有如甲子之老人避傳之
重者不遇趙武伯宗久且淹沒

不彰與絳山之麓涑水之源山
川之靈秀固在應有鍾焉豈其
興起之無術後生小子無以激
勵而感發而遂大有負其資稟
與是二者誌皆有關焉顧當此
大祲之餘撫流亡清田賦界井
疆一切安養生全之政日不暇
給雖有志焉亦惟待時而已而

何幸

宮保伯中丞公之檄適至乃進諸紳耆而謀之曰

中丞公之意可不謂厚矣乎原夫旱荒以來賑濟之粟安撫之餉馬牛耕作之乏力籽種田器之需財一切施濟之善政絳皆與焉念夫倉廩之施散竭後將

五

何以備荒政糴穀之檄日又下矣今者有慮於幽潛之不彰亦足以上干天和荒旱之由或出於此顧不遺吾絳而進之非以聲名文物之邦一視之也哉若猶安於質樸委以貧瘠毋乃有負於

中丞公之厚意與僉曰然退而

轉相告語遂皆踴躍從事一仍舊誌而審詳之不敢飾以臆說蓋慎重之至也不數月述修竟成嗟乎使不遇中丞公之時

列憲各從而贊成之又惟有待焉後之賢雖欲重加修補文獻愈久而愈無徵勢必遺漏滋多

六

不全不備之憾又將不及乎今日覽是誌者能不為絳致慨也夫能不為絳厚幸也夫時

光緒六年庚辰三月之吉花翎同知銜知絳縣事習安劉斌撰



修志姓氏

總裁

分守河東兵備道兼管水利鹽法事加三級紀錄三十二次 江人鏡

山西直隸絳州知州加五級紀錄十次 李煥揚

山西直隸絳州糧捕州判加五級紀錄十次 何大文

主修

山西直隸絳州絳縣知縣加五級紀錄十次 劉斌

督修

絳縣 儒學教諭 郭肇堂

絳縣志

姓氏

絳縣 儒學訓導 劉兆雲

督刊

絳縣 典史 章光佐

纂修

蒲州 府教授 張于鑄

分修

邑 拔貢 生 趙維藩

邑 歲貢 生 李朝

邑 廩膳 生 高作礪

邑 歲 貢 生 張鍾奇
邑 廩 膳 生 王恩長

參閱

邑 庠 附 生 馬登級
邑 庠 附 生 石鳴鳳

編輯

邑 附 貢 生 李萃

邑 廩 膳 生 王逢乙

邑 廩 膳 生 譚士燦

絳縣志

姓氏

二

邑 廩 膳 生 胡含英

校對

邑 廩 膳 生 王仰南

邑 庠 附 生 徐懷清

採訪

邑 庠 附 生 王在鎬

邑 歲 貢 生 李遇嵐

邑 庠 增 生 楊佐清

邑 廩 膳 生 郝電

邑

附

貢

生

陳如陵

邑

庠

附

生

梁清標

邑

廩

膳

生

王廷詔

邑

庠

附

生

范作樞

邑

庠

附

生

王長祥

邑

庠

增

生

王文詔

捐修姓氏

王家賓

張熙和

王炳文

靳執蒲

蔡黃庭

王耀五

王承先

王登科

王燦

李錦瑜

鄭寶善

王立功

王學經

張庚辛

王攀鼈

王名世

馮松林

譚東敬

許作楫

郭義盛

張堂

張堃

張元興

石如棟

絳縣志

姓氏

四

劉家驥

劉家驊

張宗禹

王分職

趙文章

石光前

盧世泰

張有本

楊作舟

張長慶

范夢元

絳縣新志凡例

一新絳故絳備錄左國三代而後雖沿革不同而各史及輿圖郡國志確鑿可據今悉考証不敢附會

一絳雖葛爾實號名區凡事之有關於地方民人者均應詳錄然或事止數條另分門類則畸零不成卷帙今悉統於所重以類相附俾事物靡遺簡編無冗云爾

一封爵舊志不錄獨周勃一人見於名宦殊爲不

絳縣志

凡例

一

類絳爲晉都分茅胙土數百餘年主盟中夏號爲伯主固不容畧卽周華二侯分封食采爵土襲傳累世豈可與令長丞倅並列耶今自有周起至秦漢以下凡有爵土在絳者另爲封爵一類至若夏商以前臺駘實沈諸國代系旣無可考封土不專指絳概不牽引

一舊志職官名姓下籍貫出身有錄有不錄世遠年湮無從綜覈今查核清確者著明否仍從闕畧

一選舉自進士舉人外恩拔副歲諸貢志乘咸載以其爲明經之選也其別途仕進及例貢職監雖非科目然已策名仕籍輦帶光榮不妨稍示優異明康海武功志海內推爲善本並載例貢可見志乘體例貴因地制宜今將數項人員與封廕並附選舉以昭絳邑簪纓之盛至由吏員考職未經出仕者概不列入

一人物如忠義孝友理學文苑諸類悉依年代先後爲編次而以人物槩之不復分類

一列女舊志分孝義節烈四門今合爲列女傳亦照人物體例以年代爲先後不復分類至若中饋稱賢無非無儀不過以順爲正不便濫取一傳以紀實不容假借凡忠義孝友事業學問有關於綱常名教者固必亟爲表揚卽一言一行堪爲鄉閭模範者亦必蓋棺論定方爲立傳倘子孫溢美而事無實據固不能少徇私情或事雖可傳而其人尚存不妨俟諸身後凡官斯土其人尚存者亦然

一絳邑俗尚儉樸山樞蟋蟀之風至今尚存凡歲時景物舊志多不錄今於風俗內將月令鄉風並春祈秋報村社之俗備記於篇俾閱絳志者知好樂無荒風氣猶爲近古也

一藝文中詩賦序記箴銘贊頌以及文檄雜類必有關於絳邑者方爲採輯以供稽考然亦必取其詞旨雅馴立言有體否則佳篇鉅製雖汗牛充棟與絳無關概不登錄

一志餘原屬齊諧志怪與地方無甚關係舊志不錄今亦無從採輯其里巷之說鄙俚無稽尤不敢登諸簡策徒傳荒誕

一舊志修於乾隆三十年共分二十三門今列紀恩任恤殉義貞烈共爲二十七門

絳縣新志目錄

卷之一

星野 圖說附

沿革 地表附

疆域 舖遞形勝附

卷之二

山川 水利附

風俗 土俗附

物產

絳縣志

目錄

卷之三

城池 坊里橋梁附

壇廟

卷之四

公署 坊表附

學校 書院社學附

卷之五

田賦 雜稅鹽引附

戶口

紀

恩並田賦戶口有引

倉儲

兵防
器械附

卷之六

封爵

職官
駐防城守司附

卷之七

選舉

絳縣志

目錄

二

宦績

卷之八

人物上

卷之九

人物下
鄉飲賓附

任恤

殉義

卷之十

列女上

卷之十一

列女下

貞烈

卷之十二

古蹟 陵墓寺觀附

祥異

卷之十三

藝文第一

藝文第二

絳縣志

目錄

三

卷之十四

藝文第三 舊志序附

